



Tillögur sjávarútvegsnefndar til 34. aðalfundar LS.

Stjórnkerfi fiskveiða.

1. Aðalfundur LS hafnar alfarið kvótasetningu á hlýra.

Greinargerð.

Reikna má með að 250 milljón króna aflaverðmæti verði hent í sjóinn miðað við veiði á hlýra síðasta fiskveiðiár.

2. Aðalfundur LS ályktar að LS beiti sér fyrir því að tegundatilfærslur verði færðar til fyrra horfs.
3. Aðalfundur LS mótmælir harðlega ákvörðun sjávarútvegsráðherra að lækka aflaviðmiðun til línuívilnunar.
4. Aðalfundur LS samþykkir að línuívilnun nái til allra dagróðrabáta undir 30 tonnum sem róa með landbeitta línu, trekt og vélabeitningu.
5. Aðalfundur LS samþykkir að sett verði sérstök handfæraívilnun á krókaflamarks- og aflamarksbáta undir 30 tonnum.
6. Aðalfundur LS samþykkir að handfæraveiðar smábáta eigi að vera með öllu frjálssar.
7. Aðalfundur LS skorar á stjórnvöld að taka upp fyrri takmarkanir á veiðum með dragnót á Skagafirði þannig að þær verði óheimilar innan línu sem dregin er milli Ásnefs í vestri í norðurhorn Þórðarhöfða í austri.

Aðalfundur LS beinir þeim tilmælum til sveitarstjórnar Skagafjarðar að beita sér í þessu máli til hagsbóta fyrir smábátaútgerð á Skagafirði.



8. Aðalfundur LS leggur til að veiðar með dragnót innan 3 sjómílna við suðurströndina verði bannaðar.
9. Aðalfundur LS vill að hægt verði að segja sig frá strandveiðum og fá aftur almennt veiðileyfi hvenær sem er á strandveiðitímabilinu
10. Aðalfundur LS leggur til að veiðarfæratakmarkanir í krókaafلامarkskerfi verði endurskoðaðar með það að markmiði að heimila netaveiðar krókabáta.

Greinargerð

Umræða um netaveiðar krókabáta var mikil á síðasta landsfundi LS. Atkvæðagreiðsla um málið féll mjög naumt á fundinum og einkenndust skoðanaskipti og umræður um málið oft á tíðum af forræðishyggju og samþykktum frá aðildarfélögum þar sem lítil sem engin málefnaleg umræða hafði farið fram.

Möguleikinn til að veiða í net getur stórminnkað útgerðarkostnað hjá þeim sem það kjósa. Ekki liggja fyrir því nein rök hvers vegna útgerðir mega ekki veiða sínar heimildir í net. Krókaafلامarkskerfið er nú þegar takmarkað af 15 metra löngum bátum og svo verður áfram, jafnvel þó netaveiðar yrðu heimilaðar.

Við teljum nauðsynlegt að koma til móts við útgerðir á þessum erfiðu tímum í greininni, og að allir geti valið hvernig þeir sækja sínar heimildir

Strandveiðar

11. Aðalfundur LS samþykkir að strandveiðikerfið verði þróað áfram til að bæta afkomu útgerða strandveiðibáta. Strax á næsta ári verði tryggðir 12 dagar í mánuði, í fjóra mánuði innan sex mánaða tímabils.
12. Aðalfundur LS samþykkir að landið verði eitt svæði
13. Aðalfundur LS krefst þess að sérveiðigjald á strandveiðar (50,000,-) verði STRAX fellt niður.



Makríll

14. Aðalfundur LS leggur til að makrílveiðar verði gefnar frjálssar og reglugerð sem gefin var út fyrir fjórum árum verði felld úr gildi, heildarúthlutun verði 16%.
15. Aðalfundur LS leggur til að leigupottur makríls (ráðherrapottur) verði festur í sessi og að ónýttar makrílveiðiheimildir (umfram leyfilega tilfærslu milli ára) verði fært sem viðbót við leigupott næstu makrílvertíðar.

Grásleppuveiðar

Samþykkt að fresta umræðu og atkvæðagreiðslu um kvótasetningu á grásleppu til morguns því LS hefur láti gera skoðanakönnun meðal grásleppuleyfshafa. Mun verða greint frá niðurstöðu könnunarinnar í fyrramálið.

16. Aðalfundur LS mótmælir harðlega enn og aftur þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps. Fundurinn krefst þess að 4. málsgrein 9. greinar í reglugerð um hrognkelsaveiðar nr. 202 frá 4. mars 2016 verði tafalaust felld úr gildi.

Greinargerð

Fjórir æðarbændur nýta varp á litlum hluta þessa svæðis en hafa náð með „lobbýisma“ að koma þessu banni í gegn. Benda má á að athugun fór fram á fjölda æðarfugla sem komu í net, en þessi athugun var framkvæmd af sérstökum eftirlitsaðila utan þeirrar skráningar sem grásleppusjómenn sjálfir skrá.

17. Aðalfundur LS telur að Landssamband smábátæigenda eigi að þrýsta á að hrognakaupendur gefi út verð sín viku áður að vertíð hefjist.

Humarveiðar

18. Aðalfundur LS leggur til að humarveiðar í gildrur verði heimilaðar samhliða þróun á veiðum, vinnslu og markaðssetningu grjótkrabba.
19. Aðalfundur LS skorar á stjórnvöld að huga alvarlega að skaðsemi trollveiða á humri á lífríki sjávar. Út frá rannsóknum á skaðsemi trollveiða liggur það í augum uppi að ekki verði hægt að bjóða náttúrunni upp á slíkar aðfarir til lengdar. Humarveiðar í gildrur lágmarkar áhrif á lífríki hafsins og eykur nýtingu auðlindarinnar til muna.

Greinargerð

Grjótkrabbi er ný nytjategund innan fiskveiðilögsögu Íslands og finnst hann nú í miklu magni í Faxaflóa. Ljóst er að löng og kostnaðarsöm þróunarvinna er framundan í veiðum, vinnslu og markaðssetningu á grjótkrabba áður en nýting á honum verði arðbær. Ómögulegt er fyrir smábátæigendur að standa straum af kostnaði við slíka þróunarvinnu.

Með því að heimila humarveiðar í gildrur upp að vissu marki samhliða veiðum á grjótkrabba væri hægt að dekkja hluta þess kostnaðar og hvetja útgerðarmenn til frekari þróunarvinnu við nýtingu á grjótkrabba, sem í framtíðinni yrðu sjálfbærar og umhverfisvænar veiðar.

Hvítlúða

20. Aðalfundur LS vill leyfa löndun á hvítlúðu sem meðafla við krókaveiðar. Um andvirði aflans skal fara með eins og andvirði annars afla.